



Aú va la Ilingua: perspectives pal sieglu XXI

Alcuentru entamáu pola Fundación «Caveda y Nava»
Muséu de la Sidra, Nava - 1 de xunu del 2013, 11:00 horas
ENTRADA LLIBRE

Depués de cuasi que 40 años d'asturianismu Ilingüísticu, la Ilingua asturiana y la so reivindicación atópense nun momentu inciertu, quiciabes a les puertes d'un cambiu tovía non definíu. Nestes circunstancies, la Fundación «Caveda y Nava» quier entamar un fondu debate onde s'intercambien idees alredor de qué ye lo qu'asocede y qué vies de futuru tien la revindicación Ilingüística.

Ponentes

PILAR FERNÁNDEZ, profesora

ANTÓN GARCÍA, escritor y editor

DAVID GUARDADO, filólogo

TARESA LORENCE, escritora y filóloga

Moderador

RAMÓN D'ANDRÉS, filólogo (Fundación «Caveda y Nava»)

Guía de temes pal debate

I) *Situación del movementu de reivindicación y defensa de la Ilingua asturiana a día de güei*

1. ¿Cómo valora la situación actual de la reivindicación y defensa del asturianu? ¿Hai allancamientu, estancamientu, parálisis? ¿O ta meyor que n'otres époces? ¿O ta peor que nunca? En tou casu, ¿ú les causes de la situación?
2. ¿Cuál ye la so percepción sobre la vitalidá del asturianu na sociedá asturiana de güei? ¿Ta mui vivu, ta debilitáu, en vies d'estinción...?
3. L'asturianismu Ilingüístico promovió y promueve un tipu de Ilingua ellaborada (normativa, académica, estándar). ¿Qué balance se pue observar nel usu del asturianu normativu? ¿Acéptalu la xente, refúgalu, siéntelu propiu o ayenu a la so fala? ¿Tien que ver esi asturianu normativu cola situación del asturianu, o ye daqué ayeno totalmente al problema? ¿Ha tener dalgún papel activu l'amestáu comúnmente usáu pola xente?

(II) ¿En qué consiste'l futuru del asturianu?

4. Cuando falamos del futuru de la llingua asturiana, ¿a qué nos referimos fundamentalmente?
 - ¿A la so sobrevivencia como patrimoniu cultural?
 - ¿Al so valor simbólicu, independientemente del so usu efectivu como llingua falada?
 - ¿A una llingua utilizable en toles situaciones, ferramienta de comunicación alternante y intercambiable col castellanu?
 - ¿A toes eses posibilidaes?
 - ¿O a dalguna otra?

(III) ¿De quién depende'l futuru del asturianu?

5. Na so opinión, ¿de quién depende principalmente'l futuru de la llingua asturiana? ¿De los políticos, de la sociedá? ¿De la xente que lu fala? ¿De los enseñantes, de los periodistes, de los escritores...?

(IV) L'estatus llegal de la llingua asturiana

6. Una eventual cooficialidá de la llingua asturiana, reconocida nel Estatutu, ¿sería garantía pal futuru de la llingua? ¿Qué problemes diba iguar la cooficialidá y qué otros nun diba iguar?

(V) L'asturianu na política d'Asturies

7. Segúن la so percepción, ¿ye posible que nun plazu cercanu o mediu se llogre un ampliu acuerdu políticu sobre l'asturianu, mesmamente sobre la cooficialidá? ¿Qué ye lo que lo pue favorecer o impedir?
8. Al so paecer, ¿qué aspectos tenién que ser oxetu d'un consensu políticu indiscutible en materia llingüística n'Asturies? ¿Qué aspectos de consensu fuerte podríen evitar engarradielles polítiques alredor del asturianu?
9. ¿Qué midíes reales y práctiques seríen urxentes y/o necesaries pa que l'asturianu dexare de tar en peligru?

(VI) Perspectives pa les llingües minoritaries

10. ¿Qué futuru real tienen les llingües minoritaries como l'asturianu? Si son viables, ¿per ónde tien que dir el camín? ¿O nun son viables más que nun aspecto simbólicu y patrimonial?

Cola collaboración del Muséu de la Sidra, del Conceyu de Nava y del Llagar Viuda de Corsino.



Ayuntamiento de Nava

"Villa de la sidra"